



АКАФИСТ
СВЯТОМУ
АНГЕЛУ
ХРАНИТЕЛЮ



**Акафист
святому
Ангелу Хранителю**



МОСКВА
2014

УДК 243
ББК 86.372
А38

*Рекомендовано к публикации
Издательским Советом
Русской Православной Церкви
(ИС Р 14-407-0775)*

А38 **Акафист святому Ангелу Храните-
лю. — М.: Благовест, 2014. — 48 с.**

**УДК 243
ББК 86.372**

ISBN 978-5-9968-0392-7

© Издательство «Благовест» –
текст, оформление, оригинал-
макет, 2014



АКАФИСТ СВЯТОМУ АНГЕЛУ ХРАНИТЕЛЮ

Кондак 1

Избранный от Господа Бога на
хранение души моея и телесé,
святы́й Ангеле, похвальный ти вос-
пéти дерзаю, недостóйный раб
твой; ты же, я́ко имéяй дерзновéние
к Царю́ Небéсному, от всяких мя
бед и скорбéй, от враг вíдимых же
и невíдимых защитí, зову́ща:

Ра́дуйся, Ангеле Господень, не-
усыпа́емый хранителю мой.

Икос 1

Ангеле святы́й, по́сланный с Не-
бесé, во éже хранíти мя и ру-



ководити во всей жизни моей, припадая молю ти ся: сам настави и вразуми мя, начинающая от сердечныя любви и усердия возглашати песенныя ти хвалы:

Радуйся, Ангеле Божий, представителю мой у Пресвятыя Троицы; радуйся, Царя царствующих безплотный воине.

Радуйся, Господа господствующих небесный слуго; радуйся, умных и невещественных слуг Его сожителю.

Радуйся, творяй присно волю Владыки своего; радуйся, приемый от Бога повеление и власть хранить душу мою.

Радуйся, никогдаже отлучаяйся мене, грешнаго; радуйся, выну спребываяй ми, недостойному.



Ра́дуйся, соблю́дая мя на всех
пу́тѣхъ моихъ; ра́дуйся, сохра́няя мя
от всякаго зла.

Ра́дуйся, от Бо́га да́нный ми
руководи́телю на пу́тѣхъ жити́я
моего́; ра́дуйся, бла́гий мой нас-
та́вниче.

Ра́дуйся, А́нгеле Госпо́день, не-
усыпа́емый храни́телю мой.

Кондак 2

Ви́дев человеколю́бивый Гос-
по́дь, я́ко, по прегреше́нии пра́от-
ца на́шего Ада́ма, вси челове́цы
удобъ прекло́нни суть ко греху́,
по Сво́ей неизрече́нной ми́лости
посла́л есть во всю зе́млю святы́х
А́нгелов и коему́ждо от челове́к
приста́ви храни́теля. Исполня́юще



у́бо повеле́ние Влады́ки свое́го,
святѣи Ангели всегда́ гото́вы суть
помога́ти нам, богоуго́дно пою́щим:
Аллилу́ия.

Икос 2

Ра́зуму моему́ просвеще́ние
свы́ше исходатайствуй, святы́й
Ангеле, да возмогу́ позна́ти, что
есть во́ля Бо́жия, благая и уго́дная
и соверше́нная, и се́рдце моё
напра́ви, е́же со усер́дием творѣ́ти
ю́; тебѣ́ же, хранѣ́теля моего́, да
не преста́ну восхваля́ти сицевы́ми
гла́сы:

Ра́дуйся, воспламеня́я се́рдце
моё́ любóвию к Бо́гу, Созда́телю
моему́; ра́дуйся, возбужда́я мя на
всяк день же и час приноси́ти Ему́



молітвы, проше́ния и благодарё-
ния.

Ра́дуйся, я́коже стра́жем ве́рным,
стра́хом Госпо́дним душе́вный
мой дом огражда́й; ра́дуйся, вся
помышле́ния моя́ к распя́тому за
грехи́ ми́ра Спаси́телю устремля́й.

Ра́дуйся, страда́ния Его́ и
крёстную смерть в па́мять мою́
вперя́й; ра́дуйся, воспомина́нием
страсте́й Госпо́дних блюсти́ся от
грехо́в мя поуча́й.

Ра́дуйся, благода́тного свѣ́ше
осене́ния Свята́го Ду́ха проси́ти
меня́ наставля́й; ра́дуйся, я́ко на
кро́ткія то́чию и смире́нныя
се́рдцем ми́лостивно призира́ти
Ему́, Уте́шителю, уверя́й мя.

Ра́дуйся, мы́слию о вездесу́щии
Бо́жии всю́ду окружа́й мя; ра́-



дуйся, всевѣденіе Его́ умнымъ оче-
сѣмъ моимъ представляяй.

Рáдуйся, милосѣрдіемъ Его́ къ
ка́ющимся грѣшникомъ сѣрдце моѣ
утешаяй; рáдуйся, правосѣдіемъ Его́
къ ожесточѣннымъ и нераска́яннымъ
ду́шу мою́ устрашаяй.

Рáдуйся, А́нгеле Господень,
неусыпаемый хранітелю мой.

Кондак 3

Сі́лу Божѣственныя благодáти
испросі́ ми, хранітелю мой А́нгеле,
во ѣже неуклѣнно и непреткновенѣн-
но ході́ти ми спасі́тельнымъ пу-
тѣмъ Христо́выхъ за́поведей, сѣрдцемъ
же и усты́ непрестáнно сла́вити
всесвятѣе і́мя Бо́га нáшего и пѣти
Емú: *Аллилу́ия.*



Икос 3

Имам тя, богоизбранный покровителю мой, якоже свѣтлую зарю, просвѣщающую душѣ моея темноту и разгоняющую мрак сердечнаго невѣденія моего; сего ради, со умиленіем припадая, молю ти ся, да и вся моя чувства, потемнённая страстьми, очистятся, во еже не блуждати ми во тьме греховней. Пречудную же свѣтлость твою воспеваю сѣце:

Радуйся, звездó Невечерняго Свѣта, от Трисіяннаго Божества возсіявшая и менѣ вѣну озаряющая; радуйся, пресвѣтлая луче, помрачённая грехми сердечная ми очеса осиявающая.



Ра́дуйся, я́ко тщи́шися напра́вити мя на і́стинный путь во т́ме беззако́ний заблужда́ющаго; ра́дуйся, я́ко предлага́еши ми за́поведи Госпо́дни, а́ки зерца́ло для все́я жи́зни мое́я.

Ра́дуйся, я́ко поставля́еши ми зако́н Бо́жий, а́ки свети́льник нога́ма мои́ма и свет стезя́м мои́м; ра́дуйся, я́ко словéс Ева́нгелия Христо́ва в сла́дость послу́шати поуча́еши мя.

Ра́дуйся, я́ко учéнию Божéстvenнаго Учи́теля моего́ и Го́спода несумнѣ́нно вѣровати побужда́еши мя; ра́дуйся, я́ко в повинове́нии уста́вом святы́я Цѣ́ркве укрепля́еши мя.

Ра́дуйся, я́ко пра́вилом и преда́нием святы́х апо́стол и оте́ц



покаря́тися наставля́еши мя; ра́дуйся, я́ко во испове́дании свя-
ты́я и правосла́вныя ве́ры утверж-
да́еши мя.

Ра́дуйся, я́ко за сие́ испове́дание
и на смерть гото́ву мя бы́ти
убежда́еши; ра́дуйся, я́ко ерети́ком
и отсту́пником и́стинныя Цёркве
сообща́тися возбрана́еши ми.

Ра́дуйся, А́нгеле Госпо́день, не-
усыпа́емый храните́лю мой.

Кондак 4

Бу́ря житейскаго мо́ря сокру-
ша́ет духо́вный мой кора́бль вол-
на́ми мирски́х попече́ний, и мир
убо́гия душі́ моея́ мятётся, и где
обря́щу т́хое приста́нище спа-
се́ния? То́кмо на тя по Бо́зе



возлагаю надежду, хранителю мой
Ангеле, яко премудраго тя корм-
чаго в мысленных бурях, смущаю-
щих мя, стяжах: благодарственне
убо пою Богу моему: *Аллилуия*.

Икос 4

Слышаще и зряще тя, Божест-
венный Ангеле, крепкаго моего
блюстителя, злобнии дуси подне-
беснии не смеют приблизиться
ко твоёй пречистой светлости
и душегубительныя ми пакости
деяти. Сего ради смиренно мо-
лю тя, не отступи от мене за
невоздержание моё, но присно от
лукаваго тех ловления и козней
соблюдай мя, со умилением
глаголюща:



Рáдуйся, крѣпким крѡвом крил
твоѣх осеняяй мя и покрывааяй;
рáдуйся, ѡкрест менѣ с пла́менным
мечѣм прѣсно ополчааяйся.

Рáдуйся, протѣву князя тьмы во
брани ми посѡбствуаяй; рáдуйся,
лука́вых егѡ служителей побежда́ти
ми помогааяй.

Рáдуйся, отгоняаяй от менѣ ду-
шепа́губныя дѣмоны, áки хищныя
пти́цы; рáдуйся, вразумляаяй мя
бесѡвскія ко́зни позна́ти, áки лу-
ка́выя лиси́цы.

Рáдуйся, зверообра́зная тех на
ум и се́рдце моѣ нападе́ния от-
ревааяй; рáдуйся, порождѣ́ния их,
го́рдость и ненави́сть, из се́рдца
моегѡ исторгаяй.

Рáдуйся, за́висть и злопомя́ние
от мы́слей моих прогоняаяй; ра́-



дуйся, во отражéние злых помыс-
лов крѣстным знáмением себѣ
ограждáти побуждáяй мя.

Рáдуйся, на áспида и василíска
небоя́зненно наступáти укрепля́яй
мя; рáдуйся, имéяй непобедíмое
орúжие протíву всех врагóв мо́их.

Рáдуйся, А́нгеле Господень, не-
усыпа́емый хранíteлю мой.

Кондак 5

Боготéчней и лучезáрней звездé,
путеводíвшей дрéвле волхвѣ́ на
поклонéние рóждшемуся в Вифле-
éме Спасíteлю мíра, дерзáю упо-
дóбити тя, благíй мой хранíteлю:
неотлúчным бо и светонóсным
тво́им ми спребывáнием указúеши
ми прáвый путь, ведúщий в гóрний



Вифлеѣм, в Небѣсное Цѣрствіе,
да тѣмо с ліки Архѣнгел и Ѧнгел
сподоблюся воспева́ти превѣчному
Царю славы: *Аллилу́ия*.

Икос 5

Вѣдя Мя но́щию содержи́ма
мра́чною и те́мным облако́м стра-
сте́й покрыва́ема, святы́й храните́лю
душі́ моея́, не огорчи́ся, не оста́ви
мене́, но подража́яй долготерпе́-
нію Спасі́теля моего́, пожди́ ещѣ́,
возбужда́я мя к пока́янію, до́ндеже
очеса́ моя́ изли́ют исто́чники слез
на омы́тіе душе́вныя нечистоты́
моея́. О сем смире́нно молю́ тя и
глаго́лю:

Ра́дуйся, я́ко вѣ́ну прино́сиши
Бо́гу о мне грѣ́шнем моли́твы



сво́я, я́ко кади́ло пред Ни́м благово́нное; ра́дуйся, я́ко прѣсно ходата́йствуеши пред Созда́телем моѣм о ѣже спасти́ся ми.

Ра́дуйся, я́ко пра́ведный гнев Его́, двѣжимый на мя, своѣм предста́тельством отвраща́еши; ра́дуйся, я́ко про́сиши всеми́лосердаго Го́спода пода́ти прощѣ́ние злых моѣх де́яний.

Ра́дуйся, я́ко уми́лостивля́еши Его́ благода́ть, да не погуби́тъ мя со беззако́нныи моѣми; ра́дуйся, я́ко непреста́нно мо́лишися Иису́супителю моему́, да да́рует ми вре́мя ко исправле́нию.

Ра́дуйся, я́ко возбужда́еши мя в пока́янии препрово́дити вся дни живота́ моего́; ра́дуйся, я́ко внуша́еши ми жела́ние, да вѣну



каюся пред Господом во всех моих
прегрешениях.

Радуйся, яко вразумляеши мя на
всякое время мысленно себе испы-
товати и во гресех моих испове-
доватися; радуйся, яко влагаеши в
сердце мое сокрушение и скорбь, зане
прогневах преблагаго Бога моего.

Радуйся, яко побуждаеши мя
оплакивати окайнное и скверное
житие мое; радуйся, светоносный
и неумолкающий ходатаю спасения
моего.

Радуйся, Ангеле Господень, не-
усыпаемый хранителю мой.

Кондак 6

Проповедую велегласно причесное
твое, хранителю мой Ангеле, о мне,



грѣшнем, попечѣние: в скорбех бо и напѣстех, яже в сем многмятѣжном мѣре смущают мир души моея, являеши ми ся скорый утѣшитель, вразумляя мя, яко вся сия низпосылаются от премудраго Создателя, аки врачевство противу душевных недугов моих, и поучая благодѣющему сѣце Небесному Врачу воспевати: *Аллилуія*.

Икос 6

Возсиявает в души моей, омрачаемей скорбию и уныніем, свет благодѣтнаго утѣшенія, и сердце мое исполняется весѣлія и радости, егда непрестанными твоими, святыи Ангеле, наставленіи возбуждаемь дерзаю, яко мытарь, вопіти к щед-



рому Бо́гу, да ми́лостив бу́дет и
прості́т ми прегреше́ния моя́. Не
премолчи́ у́бо, наста́вниче мой,
вразумля́я и укрепля́я мя, зову́-
ща ти:

Ра́дуйся, помога́яй ми благи́й
яре́м спаси́тельного терпе́ния с
любо́вию носи́ти; ра́дуйся, в беда́х
и заключе́ниях упова́нием на
Го́спода Бо́га укрепля́яй мя.

Ра́дуйся, ско́рби и боле́зни му́-
жественне преодолева́ти мя поуча́-
яй; ра́дуйся, всякую печа́ль и
уны́ние от се́рдца моего́ отгоня́яй.

Ра́дуйся, проти́ву врага́, в сеть
отча́яния улови́ти мя хотя́ща,
бра́тися побужда́яй мя; ра́дуйся,
словесе́м апо́стола, я́ко вси хотя́-
щии благоче́стно жи́ти гони́ми
бу́дут, ве́ровати убежда́яй мя.



Рáдуйся, образ терпéния и зло-
страдáния прíяти ми прорóки и
апóстолы внушáяй; рáдуйся, на
лик мýченик и исповéдник, за
Христá до излй́яния крóве свое́й
подвизáвшихся, во утешéние ми
показу́яй.

Рáдуйся, страдáния Самáго Спа-
сителя́ и Гóспода в́ыну ўм-
ным очесéм мо́им представля́-
яй; рáдуйся, надéждою б́удущаго
возда́ния сéрдце моё́ услаж-
да́яй.

Рáдуйся, всерáдостным ожида́-
нием вéчных благ д́ушу мою́
оживля́яй; рáдуйся, благй́й и
пр́исный мой утёшителю.

Рáдуйся, А́нгеле Господень, не-
усыпа́емый храните́лю мой.



Кондак 7

Хотяй всем челове́ком спасти́ся,
премилосе́рдый Созда́тель мой
посла́ Тя, А́нгела Своего́, я́ко
ве́рна ми стра́жа и пе́стуна до́бра
во всем жити́и моём, да всю́ду
 вспомо́ществу́еши ми святы́ми
твои́ми вдохнове́нии, защища́еши
проти́ву ко́зней диа́вола и пре-
дуготовля́еши мя де́лы бла́гими
вни́ти с му́дрыми де́вами в не-
бе́сный Черто́г, с богокра́сною
пе́снию: *Аллилу́ия.*

Икос 7

Но́вую показу́ет бла́гость Гос-
по́дь и Влады́ка мой на мне,
непотре́бнем и па́че всех греш-



нѣйшем рабѣ Своѣм: презирая бо лю́тая моя́ и тяжкая, не погуби́л мя е́сть со беззако́нныи мо́ими да́же до насто́ящаго дне́ и часа́, но долготерпѣ́ на мене́, ми́лостивне ожида́ет моего́ обра́щения и се́рдечнаго пока́яния. Ве́рую, бла́гый храні́телю мой, я́ко тво́им прі́сным предъ Бо́гом за мя хо́датайствомъ досѣ́ле храні́мь есмь; те́мже, лю́бовию къ тебѣ́ подвижа́емый, взыва́ю:

Ра́дуйся, я́ко обуре́вающаяся мя въ мо́ри житі́я сего́ от ко́нечнаго пото́пления соблюда́еши; ра́дуйся, я́ко из ро́ва беззако́нныи мо́ихъ руко́ю твое́ю по́мощи мя исхища́еши.

Ра́дуйся, я́ко грехо́вный сонъ ду́шеврѣ́дныи мое́ю ле́ности отряса́еши; ра́дуйся, я́ко умъ мой, ом-



рачѣнный небрежѣнием, свѣтлым твоимъ присутствіемъ озаряеши.

Радуйся, яко хладное и мало не угасшее сердце мое молитвами воспламенить ми помогаеши; радуйся, яко на славословіе Божіе прісно мя возставляеши.

Радуйся, яко настройаеши глас мой к песнопѣніемъ, ѿмиже достойно и праведно есть хвалити Творца всѣческихъ; радуйся, яко поучаеши мя прославляти Господа моего не усты тѣчию, но и сердцемъ.

Радуйся, яко ко исполненію пресвятыя воли Его возбуждаеши мя; радуйся, яко самоотверженію и отреченію моея злыя воли приобучити мя тщиши.

Радуйся, яко голубину простоту и агнчу кротость стяжати ми пре-



искренне желаеши; радуйся, яко
о еже младенческому незлобю
и старческому доброразсуждению
дароватися ми ходатайствуеши.

Радуйся, Ангеле Господень, не-
усыпаемый хранителю мой.

Кондак 8

Странен и пришлец есмь на
земли сей: житие мое суетно
и маловременно есть; аз же,
окаянный, смерти безвестное
во ум никогдаже приемлю, ни
помышляю о Страшнем Судии,
в немже имаю праведному Судии
предстати и дати ответ о всяком
деле же и слове. Темже молю тя,
души моея хранителя, возбуди
мя скоро от сна греховнаго, да



не пости́гнет мя час смѣрти не-
испра́вленна и да сподо́блюся ис-
проси́ти от всеми́лостиваго Бо́га
беззакóнием мо́им прощѣние и во
гласѣ ра́дования воспѣвати Емѹ:
Аллилу́я.

Икос 8

Всех Господь и Создатель мой,
егда назна́менует ми преста́витися
от жити́я сего́, ты, бла́гий храните́лю
мой, прови́дѣй грóзныя му́ки, ду-
ховомъ злѣбы и нераска́янным
грѣшникомъ угото́ванныя и менѣ
ожида́ющія, покрѣй мя твоего́
милосѣрдія крила́ми, ꙗкоже оре́л
птенцы́ своя, и внего́да исче́зати от
менѣ дѹху моему́, да ўзрю тя близ
менѣ предстоя́ща и лю́тыя враги́



отгоняюща. О сем со умилением
молю ти ся, вещая сїце:

Рáдуйся, ўмным очесѣм моѣм
гóрький и стра́шный час смѣртный
представляяй; рáдуйся, ꙗко неиз-
бе́жен, вкúпе же и безвѣстен час
той прїсно ми напоминаяй.

Рáдуйся, на кїйждо день, áки
ужѣ на послѣдний житїя моего
взира́ти мя поуча́яй; рáдуйся, на
всякое время ко исхо́ду во ин мир
мя предуготовляяй.

Рáдуйся, душе́вное умиление и
сердѣ́чное сокруше́ние во мне раж-
да́яй; рáдуйся, вѣ́ну желáяй ми,
да понѣ при кончїне дний моѣх
пока́юся.

Рáдуйся, любі́ти мир и ꙗже в
мі́ре ми воспреща́яй; рáдуйся,
пристра́стие к тлѣ́нному богáтству



из сѣрдца моего искоренѣти помо-
гаѣй.

Рáдуйся, вся благá земная бѣти
приврѣменна и скоропреходѣща ми
показуѣй; рáдуйся, ꙗко вся красная
мíра сего крíну сѣльному подобна
суть, вразумлѣяй мя.

Рáдуйся, славы человѣчи, áки
тѣни преходѣщия, искáти возвра-
няѣй ми.

Рáдуйся, Ангеле Господень, не-
усыпаемый хранителю мой.

Кондак 9

Всяк грех содѣях в житíи сем
и весь живóт мой во мно́зе претѣк
суетѣ, к концú прибли́жихся; вра-
зѣ́и же моѣ устремлѣются на мя,
áлчуще поѣти мя и низрíнути во



глубинѹ адову. Тѣмже молю ти ся,
благій мой хранителю, буди ми
защититель, егда ѿмам преходѣ-
ти лютаѹ мытарства, и безбѣдно
доведи мя до врат Небеснаго
Царства, идеже лица ангельстии
радостне срѣтают восклицających:
Аллилуія.

Икос 9

Витѣйствующій языкъ не можетъ
изрещи, яже сотвори ми еси,
святій хранителю мой, во всемъ
житіи моёмъ, приѣвъ бо душу мою отъ
купели святаго Крещенія, хранил
мя еси во младенчествѣ, училъ
и вразумлялъ еси во отрочествѣ,
соблюдалъ мя еси отъ поползновенія
ко грехомъ въ вѣзрастѣ юношествомъ,



наставлял еси́, прише́дша мя в
му́жество, охраня́л еси́ на всех
пу́тѣхъ мо́ихъ да́же до ста́рости,
облича́я и утеша́я, всю́ду помога́я
и направля́я на путь спасе́ния.
Сего́ ра́ди благода́рственне во-
пию́ ти:

Ра́дуйся, я́ко никогда́же лишáеши
мя твоея́ по́мощи и заступле́ния;
ра́дуйся, я́ко от сна востаю́ща
мя подви́заеши ко благодаре́нию
Го́спода, укрепля́ющаго си́лы моя́.

Ра́дуйся, я́ко нача́ток коего́ждо
дне моли́твою освяща́ти мя по-
уча́еши; ра́дуйся, я́ко воспрещáе-
ши ми без моли́твы к всеблагóму
Промысли́телю, дерзнове́нно со-
бо́ю что начина́ти.

Ра́дуйся, я́ко самонаде́яние из
се́рдца моего́ истреби́ти тща́шися;



ра́дуйся, я́ко сладча́йшее и́мя Го́спода Иису́са Христа́ усты́ не-
преста́нно произно́сити и во уме́
держа́ти мя побужда́еши.

Ра́дуйся, я́ко во вся́кое вре́мя
ну́жная то́чию и полéзная веща́ти
язы́ком ми внуша́еши; ра́дуйся, я́ко
от праздносло́вия, многоглаго́лания,
па́че же и кощу́нства мя удержава́еши.

Ра́дуйся, я́ко яду́щу и пию́щу
ми и́ли и́но что творя́щу прі́сно
спребыва́еши; ра́дуйся, я́ко воздер-
жа́нию в пи́щи и пити́и приобучи́-
ти мя печё́шися.

Ра́дуйся, я́ко спя́ща мя храни́ши
и врага́, хотя́ща иску́сити мя
со́нными мечта́нии, отгоня́еши;
ра́дуйся, я́ко воспяща́еши мя от лю-
бостра́стного стремле́ния и во



о́чию мою́ целомудренны́й стыд
влага́еши.

Ра́дуйся, А́нгеле Господень, не-
усыпа́емый храните́лю мой.

Кондак 10

Спасти́ всех пришéдый, Иису́-
се мой преблагíй, со уми́лением
молю́ Ти ся: Твои́м милосéрдием
прости́ мои́х злых премно́жество
и безме́рие, преклоня́емый на си́е
Божéственными мо́льба́ми Твоего́
невещéственного служи́теля, егóже
ми приста́вил еси́ из младе́нства,
я́ко Человеколю́бец, храните́ля, да
достóин явлю́ся вни́ти в черто́г
сла́вы Твоея́ и со ду́хи пра́ведных
воспе́ти: *Аллилу́ия.*



Икос 10

Стенá твёрда прѣсно являеши ми ся, святѣй Ангеле, протѣву ухищрѣний злѣбных врагѣв моѣх, ищущих вѣчныя погѣбели моея и разслабляющих дѣшу мою лѣнностью и самозабвѣнием. Молю ѹбо тя, хранѣтелю мой, да твоѣм ходатайством сподѣблѣюся при исхѣде душѣ моея из телесѣ причастник бѣти Пречѣстаго Тѣла и Святѣйшия Крѣве моего Спасѣтеля, ѹко да укрепѣвся сѣю нетлѣнною пѣщею и животворящим питѣем, безтрѣпетно прѣйду во ин мир, воспеваѹ тя, моего благодѣтеля:

Радуйся, ѹко данá ти есть власть и сѣла отражáти дѣмонская на мя нападѣния; радуйся, ѹко прѣял есѣ



от Бóга крѣпость на победѣние
невѣдимыхъ врагóв моихъ.

Рáдуйся, я́ко от всякаго зло-
дѣйства и кóзней диáвольскихъ
мóгий избáвити мя; рáдуйся, я́ко
гóрькихъ мытáрствъ начальника, лю-
таго миродѣржца нападѣния от
менѣ отревáеши.

Рáдуйся, я́ко, ограждаемый тво-
ím присúтствиемъ, íмамъ надѣжду
в часъ смѣрти не устрáшиться
мрáчныхъ лицъ духóвъ злóбы; рá-
дуйся, я́ко, хранímый тобóю, упо-
ваю безбѣдно прейтí воздушная
мытáрства.

Рáдуйся, я́ко, укрепляемый твоёю
пóмощию, чаю не удѣржанъ б́ити
вне вратъ рáя, ми вожделѣннаго;
рáдуйся, я́ко твоѣ за мя предста-
тельство сíльно есть предъ Бóгомъ,



ёже не ввёржену ми б́ыти во тьму
кромёшную.

Ра́дуйся, я́ко пр́сно внуша́еши
ми умилоствля́ти Го́спода слеза́ми
покая́ния, да изба́влюся ге́енны
а́дския; ра́дуйся, я́ко побужда́еши
меня́ день и но́щь моли́тися, да не
по́слан бу́ду со де́моны му́читися.

Ра́дуйся, неотсту́пный мой руко-
води́телю и пе́стуне; ра́дуйся,
кре́пкий мой засту́пниче и ско́рый
помо́щниче.

Ра́дуйся, А́нгеле Госпо́день, не-
усыпа́емый храни́телю мой.

Кондак 11

Пе́ние сие́, а́ще и от усер́дия мо-
его́ ти приноси́мое, святы́й храни́-
телю мой, вем, я́ко не дово́льно есть



ко изъявленію моего сердечнаго благодаренія за вся благая, яже ми сотворил еси и не перестаеши творити даже до сего дне и часа; но и о сем молю ти ся, общаго ми с тобою Создателя умиловивъ, да на Страшнем Суде Своем шуйя части избавит мя и сподобит со всеми святыми воспевати Ему: *Аллилуя.*

Икос 11

Светильник мой угасе, еля же благих дел, во еже возжещи и, несть ми; и где обрящуся аз, окаянный, сном греховным отягченный, егда постигнет мя внезапно полунощъ, час кончины моея? Но да не услышу и аз, якоже юродивыя де-



вы, грѣзнаго гласа Женихѣ: «Не
вѣмъ тебѣ!» Помози ми, неусыпаемый
хранителю мой, наполнити сосуды
души моея елеемъ благихъ делъ, паче
же милосердія и смиренія. Нынѣ
же приими отъ мене сіе пѣніе:

Радуйся, Единаго Господа имѣ-
ти въ разумѣ прісно ми внушай;
радуйся, заповѣдь о любви къ Не-
мѣ, преблагому, въ сердцѣ моемъ
обновляй.

Радуйся, любить Его, Создателя,
всемъ умомъ и всемъ помышлѣни-
емъ мя побуждай; радуйся, и къ
близкимъ искреннюю любовь мою
богоугодну бѣти непрестанно ми
напоминай.

Радуйся, любить ихъ не словомъ
или языкомъ, но деломъ и исти-
ною мя поучай; радуйся, во всехъ



нуждах их помогати желание ми влагаяй.

Рáдуйся, утешати скорбящих, заступати обидимых мя наставляяй; рáдуйся, от имений своих уделяти бедным и неимущим сёрдце моё преклоняяй.

Рáдуйся, и дúшу мою, по заповеди Спасителя, положить за дру́ги своя готóву ми бы́ти возбуждаяй; рáдуйся, закрываяй очеса моя, ёже не зрети ми прегрешения брата моего́.

Рáдуйся, не попущаяй ми осуждати поползну́вшагося на грех бли́жняго моего́; рáдуйся, воспрещ́аяй ми я́ти ве́ру оглаго́льником клеврёта моего́.

Рáдуйся, А́нгеле Госпо́день, неусыпаемый храните́лю мой.



Кондак 12

Благода́ть дана́ ти есть от
всемо́гущаго Го́спода, святы́й по-
крови́телю мой, е́же храни́ти мя на
всех путѣхъ мо́их, да не о ка́мень
ко́его собла́зна преткне́тся нога́ моя́,
до́ндеже мя предста́виши Христу́
Бо́гу спасе́на, Ему́же немóлчно вся
си́лы небѣсныя взыва́ют: *Аллилу́ия.*

Икос 12

Пою́ Твое́ досточу́дное мило-
се́рдие и мно́гое снисхожде́ние,
быстро́движный уме́, безплóтный
слуго́ Госпо́день, я́ко не гнуша́ешия
грехо́вныя моея́ смра́дности и не
преста́еши приноси́ти о мне, не-
потре́бнем, святы́я моли́твы своя́



ко святѣйшему престóлу Триипостáснаго Бóга, ёже не погѣбнути ми во вѣки, но Цáрствие Небѣсное наслѣдовати. Благоволи́ ўбо прія́ти от душѣвных сокровищ мо́их приноси́мое ти песнопѣ́ние:

Ра́дуйся, ꙗ́ко воспомина́нием грядúщаго грóзнаго судá Бóжия от грехóв мя отревáеши; ра́дуйся, ꙗ́ко дúшу мою́, áки невѣсту, ко срѣ́тению прекра́снаго Женихá Христá преду́готовля́ти возбужда́еши мя.

Ра́дуйся, ꙗ́ко прѣ́сно жела́еши достóйна мя сотвори́ти бра́чнаго черто́га Егó; ра́дуйся, ꙗ́ко вѣ́ну учи́ши мя возжигáти свети́льник души́ моея́, да с мúдрыми дѣ́вами, душа́ми прáведных, вни́ду в онь.

Ра́дуйся, ꙗ́ко грехóвныя одѣ́жды моея́ совлачи́тся побужда́еши мя;



ра́дуйся, я́ко в рíзу непорóчности
и чистоты́ облещíся ми спосо́б-
ствуеши.

Ра́дуйся, я́ко ходáтайствуеши,
да на Стра́шнем Судé Христóве
одесну́ю Егó стáти сподóблюся;
ра́дуйся, я́ко умоля́еши благоутро́-
бие Бóжие, да ли́ку избрáнных
Сво́их сопричтёт мя.

Ра́дуйся, я́ко подви́заети на
моли́тву ко Го́споду и сожи́телей
тво́их небéсных, да вселíт мя с
ни́ми во Цáрствии Своём; ра́дуйся,
до́брый и бо́дрый блюсти́телю
мой.

Ра́дуйся, тёплый о мне, грéш-
ном, моли́твенниче и благи́й пред-
ста́телю; ра́дуйся, по Го́споде Бóзе
и Пресвяте́й Богоро́дице крёпкое
моё упова́ние.



Ра́дуйся, А́нгеле Госпо́день, не-
усыпа́емый храните́лю мой.

Кондак 13

О пресла́вный и у́мный све́-
те, А́нгеле Бо́жий! Приими́ бла-
года́рственное си́е и моле́бное
пе́ние, и, егда́ има́м от земли́
воста́ти на суд, покажи́ тогда́
милосе́рдие твоё на мне грёшнем:
предста́ни близ мене́ тих и ра́-
достен, наде́ждою спасе́ния отъ-
е́мля страх мой, да в селе́ниях
ра́йских сподо́блюся вку́пе с то-
бо́ю во ве́ки веко́в воспева́ти
преве́чному Царю́ сла́вы: *Аллилу́ия.*

*Этот кондак читается три-
жды.*



Икос 1

А́нгеле святы́й, по́сланный с
Небесé, во éже храні́ти мя
и руководі́ти во всей ж́изни
моéй, припа́дая молю́ ти ся: сам
наста́ви и вразумі́ мя, начина́ю-
ща от серде́чных любве́ и усéр-
дия возглаша́ти пе́сенныя ти
хвалы́:

Ра́дуйся, А́нгеле Бо́жий, пред-
ста́телю мой у Пресвяты́я Тро́ицы;
ра́дуйся, Царя́ ца́рствующих без-
плóтный во́ине.

Ра́дуйся, Го́спода госпо́дствующ-
щих небéсный слуго́; ра́дуйся,
у́мных и невеще́ственных слуг Его́
сож́ителю.

Ра́дуйся, творя́й прі́сно во́лю
Влады́ки своего́; ра́дуйся, приё́мый



от Бѡга повелѣние и власть хранѣти
душу мою.

Рáдуйся, никогдаже отлучáйся
менѣ, грѣшнаго; рáдуйся, вѣну
спребывáяй ми, недостѡйному.

Рáдуйся, соблюдáяй мя на всех
путѣхъ моихъ; рáдуйся, сохраняяй мя
от всякаго зла.

Рáдуйся, от Бѡга дáнный ми
руководѣтелю на путѣхъ житиá
моегѡ; рáдуйся, благій мой на-
стáвниче.

Рáдуйся, Ангеле Госпѡдень, не-
усыпаемый Хранѣтелю мой.

Кондак 1

Избрáнный от Господа Бѡга на
хранѣние души моея и телесѣ,
святѣй Ангеле, похвáльная ти вос-



пѣвати дерзѣю, недостѣйный рабъ твой; ты же, ꙗко имѣяй дерзновѣние къ Царю Небѣсному, отъ всякихъ мя бѣдъ и скорбѣй, отъ врагъ вѣдимыхъ же и невѣдимыхъ защити, зовуща:

Радуйся, Ангеле Господень, неусыпаемый Хранителю мой.

Молитва

О святѣй Ангеле, Хранителю и покровителю мой благѣй! С сокрушеннымъ сердцемъ и болезненною душею предстою ти, моляся: услыши мя, грѣшнаго раба своего (*имярек*), съ воплемъ крѣпкимъ и плачемъ горькимъ вопиющаго; не помяни моихъ беззаконій и неправдъ, ѣмиже азъ окаянный прогнѣвляю тя по вся дни и часы, и мѣрзостна



себѣ творю пред Созд́ателем на́шим
Го́сподем; яв́ися мне милосѣрд
и не отлуча́йся менѣ сквѣрнаго
да́же до кончи́ны моея; возбуди́
мя от сна грехо́внаго и посóбствуй
твои́ми моли́твами прóчее врѣмя
животá моего́ без поро́ка прейти́
и сотвори́ти плоды́ достóйны по-
кая́ния, па́че же от смѣртных
падѣний грехо́вных соблюди́ мя,
да не погíбну во отча́янии и да
не пора́дуется враг о погíбели
моѣй. Вем вои́стинну и усты́ ис-
повѣдую, я́ко никто́же тако́в друг
и предста́тель, защи́титель и по-
бо́рник, я́коже ты, святы́й А́нгеле:
предстоя́ бо престóлу Госпо́дню,
мо́лишися о мне непотрѣбнем
и па́че всех грешнѣ́йшем, да не
изы́мет Преблагі́й души́ моея в



день нечаяния моего и в день творения злобы. Не престай убо умилоствляя премилосердаго Господа и Бога моего, да отпустит согрешения моя, яже сотворих во всем житии моем, делом, словом и всеми моими чувствами, и имиже весть судьбами да спасет мя; да накажет мя zde по Своей неизреченной милости, но да не обличит и не истязет мя онамо по Своему нелицеприятному правосудию, да сподобит мя покаяние принести, с покаянием же Божественное Причащение достойне прияти, о сем паче молю, и таковаго дара всеусердно желаю. В страшный же час смерти неотступен буди ми, благий хранителю мой, прогоняя мрачныя демоны, иму-



щія устрѣшѣти прѣтрѣпетную
ду́шу мою, зашѣтитѣ мя отъ техъ
ловлѣнія, егда́ ѣмамъ преходѣти
возду́шная мытарства, да храни́мъ
тобѣю, безбѣдно достѣгну ра́я ми
вожде́ннаго, иде́же ли́цы свѣтыхъ
и го́рнихъ силъ непрѣста́нно восхва-
ля́ютъ всесчѣстнѣе и великолѣпое
ѣмя въ Тро́ице сла́вимаго Бо́га, Отца́
и Сы́на и Свѣта́го Ду́ха, Емѹ́же
подобаетъ чѣсть и поклонѣ́ние во
вѣки веко́въ. Ами́нь.



Акафист святому Ангелу Хранителю

Редактор: Плюснин А. И.
Технический редактор: Ивашкова В. Ю.
Корректор: Плюснин А. И.
Верстка: Колгарёв И. Е.
Дизайн обложки: Зимихин А. А.

Подписано в печать 09.07.2014.
Формат 70х90/32. Бумага офсетная.
Печать офсетная. Гарнитура Таймс.
П. л. 1,5. Тираж 30000 экз. Заказ

Издательство «Благовест». Адрес: 123182,
г. Москва, ул. Авиационная, дом 13

Икона святого Ангела Хранителя
на лицевой стороне обложки
написана в иконописной мастерской
Екатерины Ильинской©. [www. Icon-Art.Ru](http://www.Icon-Art.Ru)
тел.: 8(495) 642-55-16, 8(926) 534-1980

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
[www. idel-press.ru](http://www.idel-press.ru)

**ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»**

WWW.BLAGOVEST-MOSKVA.RU

**много православных книг и икон, акции и скидки
для ОПТОВЫХ И РОЗНИЧНЫХ покупателей**

Телефоны: (495) 942-53-72, 973-19-11,

8-800-333-11-78

звонок из любого региона России – БЕСПЛАТНО!